

Allannguutissatut siunnersuut

Uunga

Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xx.xxx 2016-imeersumut siunnersuut

Pingajussaaneernejarnissaanut Naalakkersuisunit saqqummiunneqartoq.

§ 1-imut

1.-imi ,nr. 01-03-tut nutaatut ilanngunneqassapput

“01. § 39 a, imm. 1 ima oqaasertalerneqassaaq:

”§ 39 a. Aningaasarsiat akileraaruteqaataasussat naatsorsorneranni ilanngunneqassanngillat soraarnerussutisiaqarnissamut imaluunniit inuunermut sillimmasiinermik aaqqissuussinermut ingerlaavartumik, toqunikkut unittussamik tunniussiviusartumit tunniunneqartut, aaqqissuussinermut akiliutit ilanngaatigineqarsinnaanerata imaluunniit sulisitsisup akileeqaataasutaasa ilanngunneqartussaanninnerat Danmarkimi, Savalimmiuni imaluunniit Kalaallit Nunaanni aningaasarsiat akileraaruteqaataasussat naatsorsorneranni tamakkiisumik ilaannakuusumil-luunniit atuutsinneqarsimanngitsoq, imaluunniit § 46, imm. 5 imaluunniit 6-i naapertorlugit akitsuut akilerneqarsimasoq soraarnerussutisiaqarsinnaatitaasup sillimmasiisulluunniit upper-narsarsinnaappagu.”

02. § 39 b-ip *kingorna* ilanngunneqassaaq:

”§ 39 c. Aningaasarsianit akileraarutaasussat naatsorsorneranni ilanngunneqassanngillat naafferartumik akilersuilluni sillimmasertinnermit pisartakkat, soraarnerussutiaqarnissaq siunertaralugu soraarnerussutisiaqarnissamut ingerlatseqatigiiffimmi pilersinneqarsimasumut, Kalaallit Nunaanni angerlarsimaffeqarani sillimmasiisarfiit pillugit inatsimmi ilaasuni soraarnerussutisiaqarnissamut ingerlatseqatigiiffimmit Kalaallit Nunaanni angerlarsimaffilimmit, soraarnerussutisiaqarnissamut ingerlatseqatigiiffimmut, Kalaallit Nunaanni angerlarsimaffeqarani, sillimmasiisarfiit pillugit inatsimmi ilaasumi aamma Finanstilsyn-imit akuerineqarsimasumut soraarnerussutisiaqarnermut aaqqiissutip imai tunniunneqarnerani, soraarnerussutisiaqarsinnaasup sillimmasiisulluunniit uppernarsarsinnaappagu, naafferartumik sillimaser-tinneq pilersinneqarsimasoq. Tamanna taamaallaat atuuppoq naafferartumik akilersuilluni soraarnerussutisiaqarnissamut toqqorsivimmit pisartakkanut, soraarnerussutisiaqarnissamut aaq-qissuussinermi imarisat nuunneqarnerannut atatillugu nuunneqarsimasunut, matuma ataani toqqorsivimmit tamatuminnga iluanaarutinit pisartakkat. Soraarnerussutisiaqarnissamut aaq-qissuussinermi imarisat nuunneqarnerannut atatillugu toqqorsiviup nuunneqareernerata kingunerisaanik naafferartumik akilersuilluni soraarnerussutisiaqarnissamut toqqorsivimmut

akiliuteqartoqarpat, aningaasarsiat akileraarutaasussat naatsorsorneranni ilanngunneqassanngillat, soraarnerussutisiaqarsinnaatitaasup sillimmasiisulluunniit uppernarsarsinnaappagu pisartakkat akitsuuserneqarsimasut § 46, imm. 5 naapertorlugu. Aningaasarsianit akileraarutaasussat naatsorsorneqarneranni naafferartumik akilersuilluni sillimmasertinnermit pisartakkat ilanngunneqassanngillat § 39 b aamma § 67 a-lu naapertorlugit.

03. § 44, imm. 1-imi, nr. 5-itut nutaatut ilanngunneqassaaq:

”5) naafferartumik akilersuilluni soraarnerussutisiaqarnissamut toqqorsivimmit, soraarnerussutisiaqarnissamut ingerlatseqatigiiffimmit Kalaallit Nunaanni angerlarsimaffilimmit, soraarnerussutisiaqarnissamut ingerlatseqatigiiffimmut Kalaallit Nunaanni angerlarsimaffeqarani, sillimmasiisarfiit pillugit inatsimmi ilaasumut, Finanstilsynet-mit akuerineqartumik, sillimmatit imaannik nuussinermi iluanaarutit, naafferartumik akilersuilluni soraarnerussutisiaqarnissamut nuussereernermi akiliinernit, naafferartumik akilersuilluni soraarnerussutisiaqarnissamut toqqorsivimmi imarisat amerlisimanerannit iluanaarutit imm. 1-imi atuupput.”

2. § 1, nr. 1, ima oqaasertaqartinneqassaaq:

”1. § 46-mi, imm. 4-p kingorna, immikkoortutut nutaatut ilanngunneqassapput:

”Imm. 5. Soraarnerussutisiaqarnissamut ingerlatseqatigiiffimmi Kalaallit Nunaanni angerlarsimaffeqartumit, soraarnerussutisiaqarnissamut Kalaallit Nunaanni angerlarsimaffeqarani, sillimmasiisarfiit pillugit inatsimmi ilaasumut Finanstilsynimillu akuerisaasumut soraarnerussutisiaqarnermut aqqiissuussap imaanik nuussinermi imm. 1 aamma 2 atuutinngillat. Soraarnerussutisiaqarnissamut aqqiissutit imaanik nuussinermi taamaattumi, soraarnerussutisiaqarnissamut aqqiissutinut tamanut, ukiumi tassani soraarnerussutisiaqarnissamut aqqiissuussinerup imaanik nuussiffimmi, inuup, soraarnerussutisiaqarnissamut aqqiissummik piginnittup, procentit akileraarusiissutissaasa tamarmiusut annertoqqataanik akitsuusiisoqassaaq. Inummut ataatsimut procentit akileraarusiissutissat tamarmiusut tassaasarput kommunimut akileraarutit, nunamut tamarmut akileraarutit, nunamut tamarmut immikkut akileraarutit aamma kommuninut ataatsimut akileraarutit katinneri.

Imm. 6. Imm. 1 aamma 2 atussanngilaq, soraarnerussutisiaqarnissaq siunertaralugu ileqqaakanit soraarnerussutisiaqarnissamut aningaasaateqarfinnut, Kalaallit Nunaanni angerlarsimaffeqaratik, sillimmasiisarfiit pillugit inatsimmi ilaasuni imaluunniit inuunermut aamma soraarnerussutisiaqarnissamut sillimmasiisarfinni, Kalaallit Nunaanni angerlarsimaffeqaratik, sillimmasiisarfirmik ingerlatsinissamut Finanstilsynimit akuersissuteqartunut, nuussinermi, nuussineq aalajangiinerup § 47 f, imm. 2, nr.1-imut ilaasup kingunerippagu. Nuussinermi taamaattumi, ukiumi tassani nuussiffimmi, soraarnerussutisiaqarnissaq siunertaralugu ileqqaakanik piginnittup, procentit akileraarusiissutissaasa tamarmiusut annertoqqataanik akitsuusiisoqassaaq. Inummut ataatsimut procentit akileraarusiissutissat tamarmiusut tassaasarput kommunimut akileraarutit, nunamut tamarmut akileraarutit, nunamut tamarmut immikkut akileraarutit aamma kommuninut ataatsimut akileraarutit katinneri.”

3. § 1, nr. 1-ip, kingorna ilanngunneqassaaq:

04. § 47, imm. 1-*mi* oqaaseqatigiit aappaattut nutaatut ilanngunneqassaaq:

”Nuussinermi § 46, imm. 5-imi taaneqartutut, akitsuut akileraartarnermut ingerlatsivimmut nalunaarutigineqassaaq akilerneqassallunilu, nuussinerep kingorna kingusinnerpaamik qaamatit sisamat qaangiuppata ulluinnarmi kingullermi.

4. § 1, nr. 3-*mi*, § 47 b, imm. 2, ima oqaasertaqartinneqassaaq:

”Imm. 2. Kontomut aalajangersakkatut ilaassaaq, aningaasaatit ingerlaavartumik erniallit il.il. kontomik piginnittumut tunniunneqassasut. Aammalu piginnittup toqunerani tunniussinissaq pillugu aalajangersaasoqassaaq. Ileqqaarnissamut aaqqissuussamik pilersitsinermi imaluunniit kingorna, piginnittup kingornussisussani imaluunniit § 39, imm. 1, nr. 4 aamma 6-imi taaneqartut, apparisaq, najugaqatigisaq imaluunniit meeqqat qimagaasut tiguisussatut ilanngussinnaavai. Piginnittup kingornussisussai tiguisussatut ilanngunneqarsimappata, tamarmik ileqqaakkanik tigusaqassapput, testamentimi imaluunniit inatsimmi allassimasut malillugit piginnittumit kingornussisussaataaneq naapertorlugu. Piginnittup ”qanigerpaasat” tiguisussatut ilanngussimappagit, ilanngussatut isigineqassaa pineqartup apparisaa imaluunniit, taamaattumik qimagaasoqanngippat, pineqartup meerai imaluunniit, taamaattumik qimagaasoqanngippat, pineqartup kingornussisussai. Piginnittup ilanngussineq utertissinnaavaa, utertitsisinnaannginnermik tiguisussamut isumaqatigiissuteqarsimanngikkuni. Tiguisussamik ilanngussineq taassuminngalu tunuartsineq taamaallaat atuutissaaq, aningaaserivimmut allakkatigut nalunaarutigineqarpat imaluunniit aningaaserivimmit soraarnerussutisiaqarnissamut aaqqissuussinermut isumaqatigiissummi ilanngunneqarpat imaluunniit uppersarsarlugu atsiorneqarpat.

5. § 1, nr. 3-*mi*, § 47 b, imm. 4, ima oqaasertaqartinneqassaaq:

”Imm. 4. Kontomut ilanngunneqarsinnaapput apparisap imaluunniit inooqatigisap soraarnerussutisiaqarnissaanut sillimat, meerarisap soraarnerussutisiaqarnissaanut sillimmat, innarluuteqalernermi soraarnerussutisiaqarnissamut sillimmat ataavartoq § 39, imm. 1-imi taaneqartutut aamma perululluni napparsimanerit ilaat pillugit sillimmat.”

6. § 1, nr. 3-*mi*, § 47 c, imm. 1, ima oqaasertaqartinneqassaaq:

”§ 47 c. Soraarnerussutisiaqarnissaq siunertaralugu ileqqaakkani aningaasat nioqqutissanut aningaasaliissutaasinnaapput taamaallaat, aningaasaliissutit tamarmiusut annaanissaanut aarlerinaat annikitsuaraarsuurtut isigineqarpat, kiisalu nioqqutissaq paasiuminaatsuunngippat (aarlerinaat qorsuk) imaluunniit nioqqutissanut, aningaasaliissutit tamarmik ilaannakulluunniit annaanissaanut aarlerinaatilimmut, kiisalu nioqqutissat paasiuminaatsuunngippat (aarlerinassuseq sungaartoq). Ileqqaakkani tamarmiusuni aarlerinaammut qorsuusumut 100 procent-imik aningaasaliisoqarsinnaavoq. Ileqqaakkani tamarmiusuni aarlerinaammut sungaartuusumut annertunerpaamik aningaasaliisoqarsinnaavoq:

a) Inunnut 35 ataallugit ukiulinnut 100 pct.

- b) Inunnut 35-44-llu akornanni ukiulinnut 90 pct.
- c) Inunnut 45-49-llu akornanni ukiulinnut 80 pct.
- d) Inunnut 50-59-illu akornanni ukiulinnut 70 pct.
- e) Inunnut 60-64-illu akornanni ukiulinnut 50 pct.
- f) Inunnut 65-69-illu akornanni ukiulinnut 30 pct.
- g) Inunnut 69-it sinnerlugit ukiulinnut 10 pct.”

7. § 1, nr. 3-mi, § 47 f, imm. 5 nutaatut ilanngunneqassaaq:

”Imm. 5. Soraarnerussutisiaqarnissaq siunertaralugu ileqqaartup toqunerani, § 47 b, imm. 2 naapertorlugu aningaasat tunniussivigineqartussamut imaluunniit tunniussivigineqartussanut tussapput. Ileqqaartoq toqussagalaruni pissat pillugit aalajangiisimannikkuni, imaluunniit tunniussivigineqartussaq imaluunniit tunniussivigineqartussat toqukkut qimagussimappata, soraarnerussutisiaqarnissaq siunertaralugu ileqqaakkat piginnittup qimataanut tussapput. Tunniussivigineqartussamut ilanngussisimaneq, aningaasat ileqqaakkat amerlassusaat kiisalu aningaasat tunniunneqarsimanersut pillugit aningaaseriviup, piginnittup toqusimamera pillugu kingusinnerpaamik tunniussivigineqartussap nalunaarfiginerani eqqartuussivik toqusup qimataanik suliarinnittoq, nalunaarfigissavaa. Tamatuma kingorna piginnittup aapparisa inuunermilu kingornussisussai eqqartuussiviup nalunaarfigissavai.”

8. § 1, nr. 3-mi, § 47 h, imm. 2-4 nutaatut ilanngunneqassaaq:

”Imm. 2. Piginnittup imaluunniit tunniussivigineqartussap soraarnerussutisiaqarnissaq siunertaralugu ileqqaakkanut pisinnaatitaaffii akiligassa qarfiannit eqqartuussitigoortumik suliaassanngortitsinermut atorneqarsinnaanngillat, kisianni tak. imm. 3 aamma 4.

Imm. 3. Piginnittoq akiliisinnaajunnaarpat, paasineqarpallu, ukiut pingasut kingulliit akiliiffissaq kingulleq sioqqullugu, piffissami akiliiffimmi aningaasaatimigut inissisimanerminut sannilliullugu, aningaasanik amerlavallaartunik akiliisimappat, akiliisinnaajunnaarnermit piumasarineqarsinnaavoq, piginnittup akiliutigivallaagai aningaaseriviup utertissagai, ileqqaakkat nalingisa sapinngisamik akilersinnaasaanik. Akiliisussaanermut killiliussaasoq sioqqullugu ileqqaakkanik tiguisinnaanermut piffissarititaasoq atuutilersimappat imaluunniit akiliisinnaajunnaarnerup naammassineqannginnerani, soraarnerussutisiaqarnissaq siunertaralugu ileqqaakkat tiguisinnaanermut piffissarititaasoq atuutilersimappat, aningaasallu tiguneqarsimanngippata, akiliisinnaajunnaarnerup imm. 1-imi malittarisassat taaneqartut malillugit ileqqaakkat ilaasa amerlaqataannit akiliisinnaajunnaarnermi pigisanut akiliisoqassasoq piumasaqarsinnaapput.

Imm. 4. Imm. 3 atuuppoq, tunniussivigisassamik ikkussisoqarsimagaluarpalluunniit, aamma piginnittoq tunniussinissamik utertitsisinaanani pisussanngornikuugaluarpalluunniit. Tunniussivigineqartussaq ikkunneqarnermini akiliisimappat, pineqartoq piginnaatitaavoq akiliutimi akiliisinnaajunnaarnermi pigisanit utertinneqarnissaanut piumasaqassalluni. Tunniussivigineqartussap ileqqaakkat pisimappagit, akiliisinnaajunnaarnermi pigisanit piumasagaat tassunga atuussinnaavoq.

Nalinginnaasumik nassuiaatit

PFA Soraarneq 19. september 2016-imi nalunaarummini paasisutissiissutigaa, Finanstilsynip akuersinissaanut piunasaqataasoq, PFA Soraarnerup soraarnerussutisiaqarnissamut aqqissuussani imai PFA Pensionimut nuunneqarnerani, nuutsitsinerup kingunerisaanik sullitat ajornerusumik inissinneqassanngitsut. Finanstilsynet isumaqarpoq, pisut marluk tulliuuttut sullitanut ajornerusumik inissiissasut:

- Soraarnerussutisiaqarnissamut aqqissuussinerit nuunneqarneranni akitsuut sullitat soraarninngoraangamik soraarnerussutisiaqarnissamut aqqiissutinit pisartagaasa ingerlaavartut akitsuutaanniit annertuneruppat.
- PFA Soraarnermi sullitat naafferartumik soraarnerussutisiallit ajornerusumik inissinneqarlutik isumaqarsinnaapput, naafferartumik soraarnerussutisiatik PFA Pension-imi inuuneq naallugu soraarnerussutisianut allanngortinneqarpata.

Naatsorsuutigineqarpoq Finanstilsynip akuerisinnaassagaa, imarisanik nuutsitsinermut atatilugu akitsuut, akileraartartup pineqartup kommunimi akileraarfigisagaani akileraarutit nalinganut appartinneqarpat. Saniatigut naafferartumik soraarnerussutisianut aqqissuussinernit piiartakkat, imarisanik nuunneqarsimasut nuussinermilu akitsuuserneqarsimasut, sillimmasiisumut akileraarutaassanngillat.

Allanguutissatut siunnersuut siunnersuummik imaqarpoq, naatsorsuutigineqarpoq PFA Soraarnerup Finanstilsyn-imit akuersissummik pisinnaanissaanut periarfissiisinnaasumik.

Saniatigut siunnersuummik ilanngussisoqarpoq, imarisanik nuutsitsinermut atatilugu nalunaarutiginninnissamut akiliinissamullu killissarititaasumik sivitsuinissamut kissaat akuerisallugu. Piffissami imarisanik nuutsitsereernerup kingunerani akiliinermi aqqissuussinerit, soraarnerit, aqqissuussinernik nutaanik ammaanerit, toqusoqarnerata aamma soraarninngornerit kingunerisaannik allannguutinik takkuttoqarsinnaaneranut atatilugu siunnersuut isigineqassaaq. Nalunaarutiginninnissamut akiliinissamullu killissarititaasumik kinguartitsineq akitsuutip eqqornerpaamik naatsorsorneqarnissaa qulakkiissavaa.

Nalilerneqarpoq, § 47 c, imm.1-imut siunnersuut saqqummiunneqartoq, iluaqutaasussamik erseqqinnerusumik oqaasertalernerqarsinnaasoq. Taamaattumik innersuunneqarpoq, aalajangersagaq aningaasaliiffigisassat aarlerinaataanik nalunaaqutsiisarneq pillugu Erhvervs- og Vækstministeriet nalunaarutaa tunngavigineqassasoq. Taamaasilluni anguneqassaaq, inatsit aqqiissummik, aningaaserivinni nalunnginneqareertumi atorneqareertumilu aallaaveqassasoq, aammalu niuerfimmi neqeroorutigineqartunik aningaasaliiffigisassanik assigiinngitsorpassuarnik immikkoortiterinermit paasisimanninneq tunngaviusoq atorneqassalluni.

§ 47 c, imm. 1-imut siunnersuummi saqqummiunneqartumi, soraarnerussutisiaqarnissamut ileqqaarutit pineqarnerat eqqarsaatigissagaanni, aningaasaliinissanik aarlerinarpallaartutut nalilerneqartunik annaarlugu periarfissiisoqarpoq. Soraarnerussutisiaqarnissamut ileqqaarnerup siunertaraa qulakkiissallugu, ileqqaartoq soraarninngoruni ileqqaakkanik atorsinnaasaqassasoq. Tamanna pitsaannerusumik anguneqarsinnaavoq, ileqqaakkat aningaasaliiffigi-

sassanut aarlerinaateqarpallaanut aningaasaliissutigineqarsinnaannginnissaannik piumasaqaateqarnikkut. Ileqqaartoq nioqqutissanut taamaattunut aningaasaleerusukkuni, tamanna aningaasanik, pineqartup soraarnerussutisiaqarnissamut ileqqaagarinngisaanit, pisariaqarpoq.

Tunniussivigisassat pillugit malittarisassat aaqqissuunneqassasut siunnersuutigineqarpoq, taamaasilluni piginnittup kingornussisussani imaluunniit qaniginerpaasani tiguisussatut toqqarsinnaanngortillugit. Taaguutit taakku ilaasunut tamanut tiguisussaasut pillugit allaffissornermi ajornannginnerulersitsissapput. Kingornussisussat pineqarnerini, aapparizat, inooqatit meeqqallu avataanni allat aamma pineqartarput. Taamaattumik naatsorsuutigineqarpoq, soraarnerussutisiaqarnissaq siunertaralugu ileqqaakkani aningaasat annertunerusut piginnittup qimataasa avataatigut tunniunneqartassasut taamaasillunilu akiliisitsiniartartoqarpata taakku avataatigut.

Siunnersuutigineqarpoq erseqqissarneqassasoq, § 39, imm. 1-imitut, aapparizat imaluunniit inooqatigisap soraarnerussutisiaqarnissaanut sillimmammik, meerarizat soraarnerussutisiaqarnissaanut sillimmammik, innarluuteqalernermi soraarnerussutisiaqarnissamut sillimmammik ataavartumik soraarnerussutisiaqarnissaq siunertaralugu ileqqaakkanut ilanngussisoqarsinnaasoq.

Siunnersuutigineqarpoq § 47 f-imi, imm. 5-imik nutaamik ilanngussisoqassasoq, soraarnerussutisiaqarnissaq siunertaralugu ileqqaakkani aningaasat, qanoq pineqassanersut, aningaasat tamakkerlugit pineqannginnerani piginnittoq toqussagaluarpat aalajangerneqarluni.

Naggataatigullu siunnersuutigineqarpoq soraarnerussutisiaqarnissaq siunertaralugu ileqqaakkat akiliisitsiniartartunit malersugaasinnaajunnaarlugit illersorneqassasut. Ileqqaartut isumaginninnikkut qularnaarunneqarnissaanut anguniakkamut uniuutissaaq, akiliisitsiniartartut pineqartup soraarnerussutisiaqarnissaq siunertaralugu ileqqaagaanit akiliussisinnaappata. Akiliisitsiniartartunit malersugaasinnaajunnaarsitsilluni illersuinerup atornerlunneqannginnissaa piniarlugu, aalajangersarneqarpoq killilimmik aaqqiissummut akiliutit atorunnaarsinneqartarsinnaasut.

Allannguutissatut siunnersuummi aalajangersakkanut ataasiakkaanut nassuiaatit

Nr. 1-imut (inatsimmi § 39 a, imm. 1, § 39 b aamma § 44, imm. 1. nr. 5)

Nr.01-imut

Siunnersuutigineqarpoq, aalajangersakkamut ilaassasoq, pisuni inatsisip § 46, imm. 5 imaluunniit 6-imi akitsuusiisoqarnerani.

Allannguutip nassataraa, aningaasarsiat akileraaruteqaataasussat naatsorsorneranni ilanngunneqassanngitsut soraarnerussutisiaqarnissamut imaluunniit inuunermut sillimmasiinermit

aaqqissuussinermi ingerlaavartumik, toqunikkut unittussamik tunniussiviusartumit tunniun-
neqartut, § 46, imm. 5 imaluunniit 6-i naapertorlugit akitsuut akilerneqarsimasoq soraarne-
russutisiaqarsinnaatitaasup sillimmasiisulluunniit uppersarsinnaappagu.

Nr. 02-mut

Aalajangersakkap nassataraa naafferartumik soraarnerussutisianik akiliisarnerit, soraarnerus-
sutisiaqarnissamut ingerlatsivimmit il.il. Kalaallit Nunaanni angerlarsimaffeqartumit, soraar-
nerussutisiaqarnissamut ingerlatsivimmut il.il. Kalaallit Nunanni angerlarsimaffeqanngitsu-
mut imarisanik nuutsitsinermut atatillugu, aalajangersakkami § 46, imm. 5-imi aalajangersar-
neqartutut akitsuummik akiliisoqarsimappat, aningaasarsiat akileraarutaasussat naatsorsorne-
ranni ilanngunneqassanngitsut.

Aalajangersagaq taamaallaat atuuppoq toqqorsivimmit, imarisanik nuutsitsinermi ilaasimasu-
mit pisartakkat ilaatigullu toqqorsivimmit taassuminnga iluanaarutinit pisartakkanut.

Aalajangersakkamut ilaanngillat nuussereernermi akiliinernit aamma iluanaarutaasimasinnaa-
sunit pisartakkat.

Nuussisoqareernerani toqqorsivimmut nuutamut akiliisoqarsimappat, aningaasarsiat akileraa-
rutaasussat naatsorsorneranni taamaallaat ilanngunneqassanngillat soraarnerussutisiaqarsin-
naatitaasup sillimmasiisulluunniit pisartakkat § 46, imm. 5 malillugu akitsuuserneqarsimasu-
tut uppersarsinnaasai.

Naafferartumik sillimmatinit pissarsisarnerit, aningaasarsiat akileraarutaasussat naatsorsorne-
ranni ilanngunneqanngippata, aalajangersakkat § 39 b aamma § 67 a-mi atuutissapput

Nr. 03-mut

Aalajangersagaq siunnersuummi § 46, imm. 5-imut atatillugu isigineqassaaq.
Siunnersuutigineqarpoq, naafferartumik akilersuilluni soraarnerussutisiaqarnissamut
toqqorsivimmi imarisat § 46, imm. 5 naapertorlugit akileraaruserneqarsimaneri,
soraarnerussutisiaqarnissamut ingerlatsivimmit Kalaallit Nunaanniittumit,
soraarnerussutisiaqarnissamut ingerlatsivimmut nunami allamiittumut sillimmammi
imarisanik nuussinermut atatillugu, nuussinerlu Finanstilsyn-imit akuerineqarsimappat,
toqqorsivimmit nuunneqarsimasumit iluanaarutit aningaasarsiat akileraarutaasussat
naatsorsorneranni ilaassanngitsut.

Toqqorsivimmik nuutsitsereernermi akiliisoqarpat, § 44, imm. 1 naapertorlugit imarisat
annertusinerini iluanaarutit aningaasarsiatut akileraarutaasussatut ilanngunneqassapput.

Nr. 2-mut (inatsimmi § 46, imm. 5 aamma 6)

Imm. 5-imut.

Soraarnerussutisiaqarnissamut aaqqiissut piffissaanngitsukkut tiguneqarpat, akitsuummik 45 procentiusumik akiliisoqassaaq. 1 januar 2017 aallarnerfigalugu akitsuut 55 procent-iussaaq. Soraarnerussutisiaqarnissamut aaqqiissutit piffissaanngitsukkut tiguneqarnissaat innuttaasunut kajuminnarunnaarsinniarlugu akileraarutit procentiannit nalinginnaasumit akitsuut qaffasinne-ruvoq. Taamaalisukkut akitsuutip kinguneraa, soraarnerussutisiaqarnissamut aaqqiissummut akileraarutitigut ilanngaatilimmut, erniat iluanaarutillu akileraaruserneqarneq ajortunut akilii-sareerluni kingorna soraarnerussutisiaqarnissamut aaqqiissut atorunnaarsinneratigut nalingisa-lu tigunerisigut innuttaasumut aningaasatigut iluanaarutaassanngitsoq.

Soraarnerussutisiaqarnissamut ingerlatsivinnit Kalaallit Nunaanni angerlarsimaffeqartunit so-raarnerussutisiaqarnissamut ingerlatsivinnut Kalaallit Nunaanni angerlarsimaffeqanngitsunut soraarnerussutisiaqarnissamut aaqqissuussinermi imarisanik nuutsitsinermi akitsuutinut qaffa-sissunut nassuiaat tamanna atuutinngilaq. Nuussereernermi taamaattumi, Finanstilsynemit akuerineqaqqaartussami, soraarnerussutisiaqarnissamut aaqqissuussinerit piunnassapput, kisiannili akitsuuseereernerup kingunerisaanik soraarnerussutisiaqarnissamut ileqqaakkat annikillissallutik.

Soraarnerussutisiaqarnissamut ileqqaartut, soraarnerussutisiaqarnermut ingerlatsivimmit Ka-laallit Nunaanni angerlarsimaffeqartumit soraarnerussutisiaqarnissamut ingerlatsivimmut Ka-laallit Nunaanni angerlarsimaffeqanngitsumut soraarnerussutisiaqarnissamut aaqqiissutit ima-risaanik nuutsitsineranni ajornerusumik atugaqartinnginnissaat anguniarlugu, siunnersuutigi-neqarpoq soraarnerussutisiaqarnissamut aaqqiissutinut tamanut, ukiumi tassani soraarnerussu-tisiaqarnissamut aaqqissuussinerup imarisaanik nuussiffimmi, inuup, soraarnerussutisiaqarnis-samut aaqqiissummik piginnittup, procentit akileraarusiissutissaasa tamarmiusut annertoqqa-taanik akitsuusiisoqassasoq.

Inummut ataatsimut procentit akileraarusiissutissat tamarmiusut tassaasarput kommunimut akileraarutit, nunamut tamarmut akileraarutit, nunamut tamarmut immikkut akileraarutit aam-ma kommuninut ataatsimut akileraarutit katinneri.

Imm. 6-imut

Inatsisissatut siunnersuummi § 47 f, imm. 2, nr. 1 naapertorlugu, soraarnerussutisiaqarnissaq siunertaralugu ileqqaakkallip, pisartagassat siulliit tigunnginnerani aalajangissavaa, pisarta-gassat qanoq agguataarneqassanersut. Piginnittup ileqqaagaasa kiisalu soraarnerussutisiaqar-nissamut aamma inuunerme sillimmasiinnermut aaqqiissutaasa minnerpaamik 50 procent-ii inuunerme ataavartumik pisartakkatut, toqnerme unittussatut tunniunneqartassapput.

Aaqqissuussat taamaattut piviusumik Kalaallit Nunaata avataani pilersinneqartarnissaat naa-tsorsuutigineqarpoq, taamaattumillu soraarnerussutisiaqarnissaq siunertaralugu ileqqaakkanit aningaasat avataani nioqquteqartumut nuunneqartassallutik.

Nuussinermi taamaattumi 55 procentinik akitsuusiisarnikkut tak. § 46, imm. 1, soraarnerussutisiaqarnissaq siunertaralugu ileqqaakkanik piginnittup soraarnerussutisiaqarnissamut ileqqaagalinnit allanit ajornerusumik inissineqannginnissaa siunertaralugu, siunnersuutigineqarpoq soraarnerussutisiaqarnissamut aaqqiissutinut tamanut, ukiumi tassani soraarnerussutisiaqarnissamut aaqqissuussinerup imarisaanik nuussiffimmi, inuup, soraarnerussutisiaqarnissamut aaqqiissummik piginnittup, procentit akileraarusiissutissaasa tamarmiusut annertoqqataanik akitsuusiisoqassasoq.

Nr. 3-mut (inatsimmi § 47, imm. 1)

Siunnersuutigineqarpoq, soraarnerussutisiaqarnissamut ingerlatsivimmit Kalaallit Nunaanni angerlarsimaffilimmit, soraarnerussutisiaqarnissamut ingerlatsivimmut Kalaallit Nunaanni angerlarsimaffeqanngitsumut soraarnerussutisiaqarnissamut aaqqissuussinerit imarisaanik nuussinermi, nalunaarutiginninnerit akitsuummillu akiliinerit, nuussereernermi qaammatit sisamat qaangiukkaangata ulluinnarmi kingullermi pisassasut.

Nr. 4-imut (inatsimmi § 47 b, imm. 2)

Siunnersuutigineqarpoq, tiguisussanik ilanngussineq pillugu malittarisassat erseqqissarnerassasut taamaasilluni, soraarnerussutisiaqarnissaq siunertaralugu ileqqaarutininik piginnittup kingornussisussani imaluunniit qaniginerpaasani tiguisussatut ilanngussinnaanngortillugit.

Kingornussisussatut paasineqassapput, inatsisit malillugit piginnittumut kingornussisussaataasut. Qaniginerpaasatut paasineqassapput, piginnittup aapparisa imaluunniit, aapparisaanik qimagaasoqanngippat, piginnittup meerai imaluunniit, meeqqanik qimagaasoqanngippat, piginnittup kingornussisussai.

Piginnittup kingornussisussaasa pineqarnerini, aapparisaat, inooqatit meeqqallu avataanni allat aamma pineqartarput. Soraarnerussutisiaqarnissaq siunertaralugu ileqqaakkanik piginnittup kingornussisussami tiguisussatut ilanngussinnaanissaannut periarfissaqalerpata, naatsorsuutigineqarpoq, ileqqaakkat amerlanerpaartai piginnittup qimagaasa avataatigut tunniunneqartassasut, taamaasillunilu akiliisitsiniaasoqarpata taakku avataatigut.

Nr. 5-imut (inatsimmi § 47 b, imm. 4)

Allannguutissatut siunnersuummi ersarissarneqarpoq, § 39, imm. 1-itut, aapparisaamut imaluunniit inooqatigisamut sillimmammik, meerarisat soraarnerussutisiaqarnissaannut sillimmammik, innarluuteqalernermi soraarnerussutisiaqalernissamut sillimmammik ataavartumik soraarnerussutisiaqarnissaq siunertaralugu ileqqaakkanut ilanngussisoqarsinnaasoq. Aammalu perululluni napparsimanerit ilaat pillugit sillimmammik ilanngussisoqarsinnaavoq.

Soraarnerussutisiaqarnissaq siunertaralugu ileqqaartup aningaasaatini tamaasa ilaannaaluunniit pappialanut nalilinnut assingusunulluunniit aningaasaliissutigisinnaavai imaluunniit tamanna pillugu allanik isumaqatigiissuteqarsinnaavoq.

Piginnittut iluatsinngitsoortumik aningaasaliinerup kingunerisaanik annertuumik annaasaqarnissaannut aarlerinaatit annikillisinniarlugit siunnersuutigineqarpoq pigisat nalillit aningaasaliiffigisinnaasat killilersorneqassasut, kiisalu aningaasaliisinnaaneq piginnittup utoqqaliartorerani annikillisikkiartuaarneqassasoq.

Erhvervs- Vækstministeriet aningaasaliiffigisassat aarlerinaataanik nalunaaqutsiisarneq pillugu nalunaarusiaq nr. 553 af juni 1, 2016-imi atuutilersippaa. Nalunaarusiami § 4 naapertorlugu, aningaasaliiffigisassat aarlerinassutsinut assigiinngitsunut pingasunut agguarneqassapput: qorsuk, sungaartooq imaluunniit aappaluttoq.

Aningaasaliiffigisassaq aarlerinassuseq qorsummiippat, aningaasaliissutit tamaasa annaanissaanut aarlerinaat annikitsuarsuusaaq, nioqqutissarlu paasiuminaatsuunani.

Aningaasaliiffigisassaq aarlerinassuseq sungaartumiissaaq, aningaasaliissutit tamaasa ilaannaaluunniit annaanissai aarlerinaateqarpat, nioqqutissarlu paasiuminaatsuunani.

Aninggaasaliiffigisassaq aarlerinassuseq aappaluttumiissaaq, aningaasaliissutit tamaasa ilaannaaluunniit annaanissai aarlerinaateqarpat, imaluunniit nioqqutissaaq paasiuminaatsuuppat.

Nalunaarusiamut ilanngussami aningaasaliiffigisassat sorliit, aarlerinassuseq qorsummi, sungaartumi aappaluttumilu inissisimanersut allattorsimapput.

Aarlerinassuseq qorsummi ilaatigut ilaapput, danskit naalagaaffianni obligationit DKK-iusut aamma EUR-iusut, obligationit Kommune Kredit-imit, realkreditobligationit realkreditinstitutioninit Danmarkimiittunit atsiorneqartut, skibskreditobligationit aamma kasseobligationit skibsfinansieringsinstitut-init atsiorneqarsimasut il.il.

Aarlerinassuseq sungaartumi ilaatigut ilaapput, aktiat, nakkutigineqartumik niuerfimmi imaluunniit niuerfimmi allaanerusumi ilanngunneqarsimasut, kapitalforening-imi piginneqataasutsit, aningaasaqarnermik ingerlatsineq pillugu inatsimmi §§ 157 a aamma 157 b naapertorlugit aningaasaliinissamat killilersuutaasut malillugit aningaasaliisartut, aningaasaliisarfinni nunani allaniittuni piginneqataasutsit, aningaasaqarnermik ingerlatsineq pillugu inatsimmi §§ 157 a aamma 157 b naapertorlugit aningaasaliinissamat killilersuutaasut malillugit aningaasaliisartut, piginneqataanermut uppernarsaatit, inuussutissarsiornermi obligationit, nakkutigineqartumik niuerfimmi imaluunniit niuerfimmi allaanerusumi il.il. ilanngunneqarsimasut.

Siunnersuutigineqarpoq, soraarnerussutisiaqarnissaq siunertaralugu ileqqaakkani aningaasat aningaasaliiffigisassani qorsummik sungaartumillu aarlerinassusilinnut aningaasaliissutaasin-

naassasut, aarlerinaammimi sungaartumi aningaasaliisinnaanerit, piginnittup soraarnerussutisiaqarnissamut qalliarturnerani annikilliarturnissamata.

Aningaasaliinermi aarlerinassutsip qaffasippallaarnera eqqarsaatigalugu siunnersuutigineqarpoq, soraarnerussutisiaqarnissaq siunertaralugu ileqqaakkani aningaasat aningaasaliiffigisasani aappaluttumik aarlerinassusilinnut aningaasaliissutaasinnaassanngitsut. Aarlerinassuseq aappaluttumi ilaatigut ilaapput aktieswaps-it aamma aktieindeksinik swaps-it, aningaasaliisarfinni allaanerusi piginneqataassutsit, kapitalforeningini, aningaasaqarnernik ingerlatsineq pillugu inatsimmi § 157 a aamma 157 b naapertorlugit aningaasaliinissamut killilersuutaasut malinnagit aningaasaliisartuni piginneqataassutsit, inuussutissarsiornermi obligationit, nakkutigineqartumik niuerfimmi ilanngunneqarsimanngitsut, siunissami erniassanut isumaqatigiisutit, aningaaserivimmiitit katitikkat, paasiuminaatsumik iluanaarusiisartut aamma/imaluunniit siusinaartumik taamaatitsinermut atatillugu aningaasartuutit ajornakusoortut, qularna-veeqqusiinermut allagartat il.il.

Nr. 5-imut (inatsimmi § 47 f, imm. 5)

Siunnersuutigineqarpoq, soraarnerussutisiaqarnissaq siunertaralugu ileqqaakkanik piginnittup toqunerani, ileqqaakkat tunniussivigineqartussamit imaluunniit tunniussivigineqartussanit pineqassasut. Naak aalajangersakkami § 47 b, imm. 2-mi allassimasutut, piginnittoq tunniussivigineqartusamik ilanngussisimanngippat, imaluunniit tunniussivigineqartussaq imaluunniit tunniussivigineqartussat toqusimappata, soraarnerussutisiaqarnissaq siunertaralugu ileqqaakkat piginnittup toqunerani, toqusup pigisaanut ilanngunneqassapput kingornussisarnerlu pillugu inatsimmi malitassat naapertorlugit agguarneqassallutik.

Piginnittup toquneranik tunniussivigineqartussaannermillu aningaaseriviup tunniussivigineqartussaq nalunaarfigissavaa . Kingusinnerpaamik taamaalisukkut tunniussivigineqartussamut ilanngussisimaneq, aningaasat ileqqaakkat amerlassusaat kiisalu aningaasat tunniunneqarsimanersut pillugit aningaaseriviup, eqqartuussivik toqusup qimataanik suliarinnittoq, nalunaarfigissavaa. Tamatuma kingorna eqqartuussiviup piginnittup aapparisa inuunermilu kingornussisussai nalunaarfigissavai

Nr. 6-imut (inatsimmi § 47 h, imm. 2-4)

Siunnersuutigineqarpoq, soraarnerussutisiaqarnissaq siunertaralugu ileqqaakkat akiliisitsiniartartunit malersugaasinnaajunnaarlugit illersorneqassasut.

Aalajangersakkap kingunerissavaa, soraarnerussutisiaqarnissaq siunertaralugu ileqqaakkat akiliisitsiniartartunit malersugaasinnaassanngitsut, piginnittumi imaluunniit tunniussivigineqartussami, pineqartoq aningaaserivimmut pisinnaatitaaffeqarpat.

Aningaaserivimmut pisinnaatitaaffeqarneq ima paasineqassaaq, piginnittup imaluunniit tunniussivigineqartussap ileqqaakkat imarisaannut pisinnaatitaaffia.

Aalajangersakkap malitsigaa, soraarnerussutisiaqarnissaq siunertaralugu ileqqaakkat tunniunneqannginneranni akiliisitsiniartartunit malersugaassutaalissappata, tunniussivigineqartussaq piginnittutulli inissinneqarmat.

Soraarnerussutisiaqarnissaq siunertaralugu ileqqaakkat, soraarnerussutisiaqarnissaq siunertaralugu ileqqaakkanit aningaasaliinernut kiisalu ileqqaakkanit aningaasaliinernillu iluanaarutinit pisinnaatitaaffiit illersorneqassapput.

Aalajangersakkalli killormuanik, soraarnerussutisiaqarnissaq siunertaralugu ileqqaakkat tigu-neqareersimappata, taakku aalajangersakkap akiliisitsiniartartunit malersugaasinnaanermut illersuineranut ilaajunnaassapput. Aningaasalli ilaatigut malittarisassanit allanit illersugaasinnaapput, assersuutigalugu eqqartuussisarneq pillugu inatsimmi § 618, imm. 1, inuuniarnikkut atugarisatigut illersugaanikkut.

Tunniussineq aatsaat naammassineqartutut isigineqassaaq, pisussaasumit tigu-neqarpata.

Akiliisitsiniartartunit malersugaanissamut illersorneqarnermut malittarisassap atornerlunneqannginnissaa anguniarlugu siunnersuutigineqarpoq, piginnittoq akiliisinnaajunnaarpat, taanalu ukiut pingasut kingulliit akiliiffissaq kingulleq sioqqullugu, piffissami akiliiffimmi aningaasaqarnikkut inissisimanerminut sanilliullugu, aningaasanik amerlavallaartunik akiliisimappat, akiliisinnaajunnaarnermit piumasarineqarsinnaavoq, piginnittup akiliutigivallaagai aningaaseriviup utertissagai.

Akiliisinnaajunnaarneq pillugu inatsimmi takuneqarsinnaavoq akiliiffissaq kingulleq, akilerarnermik unitsitsinermik pigisat pillugit eqqartuussivimmut nalunaarnermiusassaaq imaluunniit akiligassat ilaannik isumakkeerneqarnissaannik, akiligassat nungutinneqarnissaannik imaluunniit akiliisinnaajunnaarnermik qinnuteqarnermi ullormi tassani pigajuttarpoq.

Soraarnerussutisiaqarnissaq siunertaralugu ileqqaakkanut akiliinerit tamarmik, akiliiffiup nalerpiaani piginnittup aningaasaqarnikkut atugaanut sanillersuunneqartassapput. Soraarnerussutisiaqarnissaq siunertaralugu ileqqaakkanik piginnittup akiliisinnaajunnaarsimasup ileqqaakkanut nammineq pigisaminut akiligai kisimik atorunnaarsinneqarsinnaapput, sulisut soraarnerussutisiaqarnissaq siunertaralugu ileqqaagaanut akilikkat atorunnaarsinneqarsinnaanngillat. Akiliinerit akiliisinnaajunnaarsimasumit akilerneqarsimangitsut, aamma atorunnaarsinneqarsinnaanngillat.

Missiliuussinermik tunngaveqassapput, tak. oqaatsit ”aningaasat amerlavallaartut”, aningaasanit akiliutigineqarsimasunit qanoq annertutigisut, akiliisinnaajunnaarnermit aningaaserivimmut piumaneqarsinnaanersut. Aningaasat akiliutaavallaartut tamatuma kingorna soraarnerussutisiaqarnissaq siunertaralugu kontop imarisaanit imaluunniit soraarnerussutisiaqarnissaq siunertaralugu ileqqaakkanit aningaasaliissutinik tunisinikkut imaluunniit imarisanit imaluunniit aningaasaliissutinik iluanaarutinit akilerneqarsinnaassapput.

Akiliisinnaajunnaarnerup akileeqqusinera naammassineqarsinnaavoq, piginnittup soraarnerussutisiaqarnissaq siunertaralugu ileqqaakkat tigusinnaanngikkaluarpagilluunniit.

Akiliisinnaajunnaarnerup naammassineqannginnerani, soraarnerussutisiaqarnissaq siunertaralugu ileqqaakkat ilaannik tigusisinnaanermut piffissarititaasoq atuutilersimappat, aningaasallu tigu-neqarsimangippata aalajangersakkap aamma aalajangersarpaa. Pisumi tamatumani akiliisinnaajunnaarnermi piumasaqarnermi, qulaani imm. 1-imi piumasaqaatit taaneqareersut

naammassineqarpata, pisassat ilaasa amerlaqataanik namminermut akileeqqusinermik piumasartoqarsinnaavoq. Piginnittup toqunerani soraarnerussutisiaqarnissaq siunertaralugu ileqqaakkat tunniuteriaannangorpata, tunniussivigineqartussamik ilanngussisoqarsimappat aatsaat aalajangersagaq qiviassallugu pisariaqassaaq, tunniussivigineqartussamik ilanngussisoqarsimangippat ileqqaakkat kingornussassanut pissammata, tak. § 47 f, imm. 5. Sillimmasertittup inuunerani sillimmasiineq ingerlappat, akiliisitsiniartartunit malersugaasinnaannginermut illersuut atuutissaaq, aamma tunniussivigineqartussamik ikkussisoqarsimappat ikkussisoqarsimangippalluunniit. Kisianni, sillimmasertittup toqunerani, akiliisitsiniartartunit malersugaasinnaanermut illersugaaneq atussappat, piumasartaavoq tunniussivigineqartussamik ilanngussisoqarsimanissaa.

Malittarisassat atorunnaarsinneqarsinnaasumik tunniussivigineqartussanut aamma atorunnaarsinneqarsinnaanngitsumik tunniussivigineqartussanut atuupput. Taamaasilluni tunniussivigineqartussaanerup pissusia, akiliisitsiniartartut soraarnerussutisiaqarnissaq siunertaralugu ileqqaakkanit akiliisitsiniarlutik malersuisinnaanerannut sunniuteqanngilaq. Piginnittup akiliisinaajunnaarnerani, tunniussivigineqartussap tunniussivigineqartussanngorluni akiliisimaguni, pigisanut akiliutinik utertitseqqusisinnaavoq. Aapparisaq uppersarsinnaappagu, akiitsullip ukiut pingasut iluanni annertuumik akiliutai tamaasa imaluunniit ilai nammineq akilersimallugit, taava pigisanut akiliutinik utertitseqqusisinnaavoq, akiliisinaajunnaarnermi soraarnerussutisiaqarnissaq siunertaralugu ileqqaakkat ilannguniarneqalerpata.

Soraarnerussutisiaqarnissaq siunertaralugu ileqqaakkat tunniussivigineqartussaasumut tunniunneqarsimappata, taakku tunniussivigineqartumit utertillugit akilerneqarnissai akiliisinaajunnaarnermi pigisat atuutsilersissinnaavaa.